



Universitätsbibliothek Paderborn

D. Ioannis Ivsti Lanspergii Carthvsiani, Natione Bavari, Opvscvla Spiritvalia

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam
Virginem Mariam, cæterosq[ue] Sanctos - exercitijs item diuersis, tum
maximè Paßionis Dominicæ, eiusq[ue] matris, refertißimus

Landsberg, Johannes Justus

Coloniae Agrippinae, 1630

Ea quæ D. N. Iesus Christus hora Matutina pro nobis ex sola Charitate
passus est, succinctim perstringens, Hymnus V.

[urn:nbn:de:hbz:466:1-45928](https://nbn-resolving.org/urn:nbn:de:hbz:466:1-45928)

comprehendat. Nona demum hora, complectitur secundam, tertiam & quartam. Vesperæ autem, quintam & sextam. Completorium postremo, septimam & octauam. Hoc modo in singulis, dum audiuntur, horis, quisque (cui hoc placet exercitium) ad ea recurrat, qua hora dominica illi (cui subest ipsa qua signatur hora) ascribuntur, per eadem mentem suam ad Deum leuet. Veruntamen vnique interea liberum sit ad huius exercitii praxim, modum ordinemque seruare quemcumque alium, qui sibi occasionibus, & exercitijs suis reliquis congruentissime quadret. Nobis hæc duntaxat suggestisse sufficiat. Et etiam obseruandum, eos, quos in singulas hic partitus sum horas, seu ritmos, numero simul esse quinquaginta, qui rosarium volenti constituunt. Postremo sciendum, qui fructum huius, aut cuiusuis exercitii alterius cupit assequi, non verbi tantum inhereat, sed in mentem & affectum inde quacumque verbis indicantur, subito rapiat traiciatque, vt spiritu hinc sursum ad Deum leuato, coram illo eadem tractet, & vel compatiendo vel orando, vel certe gratias agendo admirandoque animum suum dilatat. Qui nihil horum, vtpote aut fastidiosus, aut nimium occupatus, agere possit, saltem dum hora signatur, ad Deum erecto corde, legat hunc versum.

Iesu qui semper diuigis
Et nobis cuncta tribuis,
Nos munda, iuua miseros
Da pacem salua mortuos, Amen.

EA QVÆ DOMINVS NOSTER IESVS CHRISTVS
hora matutina pro nobis, ex sola charitate passus est,
succinctim perstringens.

Hymnus V.

Est hora qua nos surgere,
Cum Iesu decet plangere,
Sudore qui nunc madidus,
Orans exurgit anxius.
Iesu quæ vicit pietas
Te qui pro nobis obuias,
Vtrò te tradens hostibus,
Ad mortem te quærentibus?
Agnum te captum lacerant,
Lupi feroces verberant,
Te deserunt discipuli,
Vinctum adducunt pessimi.
Annas te dum interrogat,
Seruus maxillam verberat,
Dum stabas in concilio,
Negaris à discipulo.
Testis falsus improperat,
Adiurat Præsul, iudicat
Hinc omne te concilium
Essè mortis obnoxium.
Ah nox qua sol occubuit,
Iniquitas efferebit.

Ah Iesu benignissime,
Quàm tractaris nequissime.
Nam facies consuevit
Hinc a lapis hæc cæditur,
Te colaphis percutiunt.
Sacros capillos extrahunt.
Affligunt te supplicijs,
Blasphemant contumelijs,
Sic illudentes obrunt,
Dum tota nocte sæuiunt.
O mea salus unica,
Tu mea dele scelera,
Extingue cuncta vitia,
Tua me reple gratia.
Cor mundum mihi tribue,
Et velle meum destrue,
Vt tuo beneplacito
Conformis sim perpetuo.
Iesu tibi qui pateris,
Sit laus quod cuncta tribuis,
Nos munda, iuua miseros,
Da pacem, salua mortuos, Amen.